

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA TANO

KIKAO CHA THELATHINI NA TATU

22 MEI, 2019



ORODHA YA SHUGHULI ZA LEO

MKUTANO WA KUMI NA TANO

KIKAO CHA THELATHINI NA TATU – TAREHE 22 MEI, 2019

I. DUA:

II. KIAPO CHA UAMINIFU:

Mhe. John Danielson Pallangyo, Dkt.

III. HATI ZA KUWASILISHA MEZANI:

WAZIRI WA MALIASILI NA UTALII:

Randama za Makadirio ya Mapato na Matumizi ya Wizara ya Maliasili na Utalii kwa Mwaka wa Fedha 2019/2020.

IV. MASWALI:

OFISI YA RAIS (TAMISEMI):

**271. MHESHIMIWA MENDRAD LUTENGANO
KIGOLA (MUFINDI KUSINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Miundombinu ya Shule

nyingi za Msingi katika Jimbo la Mufindi Kusini ni chakavu:-

Je, Serikali ina mkakati gani wa kukarabati miundombinu ya Shule hizo.

272. MHESHIMIWA ZACHARIA PAUL ISSAY (MBULU MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Kupitia Sera ya Serikali ya kila Kata kuwa na Kituo kimoja cha Afya, ni Kata mbili tu zimebahatika kuwa na Vituo vya Afya kati ya Kata kumi na saba (17) za Halmashauri ya Mji wa Mbulu; Vituo hivi viko kwenye Tarafa za Daudi na Endagikot:-

- (a) Je, ni lini Serikali itajenga Kituo kimoja cha Afya katika Kata za Kainam au Muray kwa ajili ya kupeleka huduma ya Afya katika Tarafa ya Nambis yenye Kata nne na Vijiji ishirini na mbili na Wakazi 24,800 kwa mujibu wa sensa ya mwaka 2012;
- (b) Serikali ina Sera ya kutoa huduma za Afya bila malipo kwa Watoto walio chini ya miaka mitano na Akina Mama Wajawazito; Je, Serikali inachukua hatua gani katika Vituo ambavyo bado vimeendelea kuchangisha kundi hili muhimu katika Jamii.

273. MHESHIMIWA MARYAM SALUM MSABAHA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Kuna baadhi ya *Bar* na *Club* ambazo zimejengwa kwenye makazi ya Watu ambazo zimekuwa kero kwa Jamii:-

Je, ni nini kauli ya Serikali kuhusu *Bar* na *Club* hizo ambazo zinakiuka Sheria na maadili ya Jamii.

WIZARA YA ELIMU, SAYANSI NA TEKNOLOJIA:

274. MHESHIMIWA MUHAMMED AMOUR MUHAMMED (BUMBWINI):

Atamuuliza Mheshimiwa Waziri wa Elimu, Sayansi na Teknolojia:- Matokeo ya mitihani ya Kidato cha Nne yamekuwa mabaya kwa kipindi kirefu sasa na hali hii bado haijapatiwa ufumbuzi:-

- (a) Je, nini tamko la Serikali kuhusiana na hali hiyo;
- (b) Je, ni juhudi zipi za makusudi ambazo Serikali inakusudia kuchukua ili kupandisha hali ya ufaulu wa Wanafunzi hao.

WIZARA YA MALIASILI NA UTALII:

275. MHESHIMIWA ZAINAB NUHU MWAMWINDI (VITI MAALUM):

Atamuuliza Mheshimiwa Waziri wa Maliasili na Utalii:- Katika kuboresha utalii katika Hifadhi ya Ruaha:-

Je, Serikali ina mpango gani wa kukamilisha ujenzi wa kiwango cha lami barabara iendayo Hifadhi ya Ruaha pamoja na kuimarisha miundombinu ya ndani ya Hifadhi hiyo.

276. MHESHIMIWA DKT. RAPHAEL MASUNGA CHEGENI (BUSEGA):

Atamuuliza Mheshimiwa Waziri wa Maliasili na Utalii:- Ongezeko la Tembo na Wanyama waharibifu imekuwa kero kubwa sana kwa Wananchi wanaoishi maeneo ya kandokando ya Hifadhi na Ziwa:-

Je, Serikali ina mkakati gani wa kudhibiti tatizo linalosababishwa na kadhia hiyo.

WIZARA YA MAJI:

277. MHESHIMIWA DKT. CHRISTINE GABRIEL ISHENGOMA (VITI MAALUM):

Atamuuliza Mheshimiwa Waziri wa Maji:- Serikali inajitahidi kuwapatia maji Wananchi wa

Manispaa ya Morogoro. Licha ya jitihada hizo hadi sasa ipo Mitaa ambayo inapata maji kwa mgao na mingine haipati kabisa:-

Je, Serikali ina mkakati gani wa kuboresha miundombinu ya Bwawa la Mindu ili Wananchi wapate maji safi na salama.

278. MHESHIMIWA CATHERINE NYAKAO RUGE (VITI MAALUM):

Atamuuliza Mheshimiwa Waziri wa Maji:- Mji wa Shirati Wilayani Rorya unakabiliwa na changamoto kubwa ya maji safi na salama licha ya kuwa na umbali wa kilomita 3 tu kutoka Ziwa Victoria. Mji huu ni moja ya Miji Mikongwe ambapo miundombinu yote ya maji ipo tangu enzi za Awamu ya Kwanza, lakini hadi leo hakuna maji licha ya kuwepo na Taasisi mbalimbali za Serikali na binafsi zinazohitaji sana huduma ya maji:-

Je, Serikali inawaambia nini Wananchi wa Shirati juu ya upatikanaji wa maji safi na salama ili kupunguza ukali wa maisha ambapo kwa sasa dumu moja la lita 20 linauzwa mpaka Shilingi 100.

279. MHESHIMIWA RIDHIWANI JAKAYA KIKWETE (CHALINZE):

Atamuuliza Mheshimiwa Waziri wa Maji:- Wakati wa ziara ya Makamu wa Rais Wananchi wa Halmashuri ya Chalinze walihakikishiwa kuwa maji yataanza kutoka kuanzia tarehe 31 Disemba, 2018 lakini hadi leo hali imekuwa mbaya zaidi kuliko ilivyokuwa mwanzo:-

- (a) Je, Serikali inawaambia nini Wananchi wa Chalinze juu ya hali mbaya ya upatikanaji wa maji;
- (b) Je, Waziri yupo tayari twende pamoja Chalinze kufanya Mkutano kuwaambia Wananchi juu ya hali ya maji katika Halmashauri yetu na lini sasa Wananchi wa Chalinze watarajie maji kuanza kutoka kwenye mabomba.

WIZARA YA MIFUGO NA UVUVI:

280. MHESHIMIWA PROSPER JOSEPH MBENA (MOROGORO KUSINI):

Atamuuliza Mheshimiwa Waziri wa Mifugo na Uvuvi:- Kumekuwepo na ongezeko la matukio ya ukatili mkubwa kwa Wanyama katika nchi yetu hususan Kuku, Mbuzi na Ng'ombe wakati

wakisafirishwa kutoka eneo moja kwenda eneo lingine:-

- (a) Je, Chama cha kuzuia ukatili wa Wanyama nchini yaani *Tanzania Society for the Prevention of Cruelty to Animals (TSPCA)* kinashirikiana kwa kiasi gani na Serikali katika kudhibiti vitendo hivyo vya kikatili kwa Wanyama;
- (b) Je, kwa mwaka 2018 na 2019 ni kesi ngapi zinazohusu matukio ya ukatili kwa Wanyama zilifikishwa Mahakamani.

V. HOJA ZA SERIKALI:

WAZIRI WA MIFUGO NA UVUVI:-

Kwamba, Bunge sasa likubali kupitisha Makadirio ya Mapato na Matumizi ya Wizara ya Mifugo na Uvuvi kwa Mwaka wa Fedha 2019/2020.

(Majadiliano yanaendelea)

**DODOMA
22 MEI, 2019**

**S. KAGAIGAI
KATIBU WA BUNGE**